



Broj:01/2-37-1913.6/19
Ilijaš,25.10.2019.godine

Na osnovu člana 66. Zakona o pravima, obavezama i odgovornostima pacijenata ("Službene novine Federacije BiH", br. 40/10), člana 14. Zakona o zdravstvenoj zaštiti ("Službene novine Federacije BiH", br. 46/10 i 75/13), člana 107. Statuta Općine Ilijaš – prečišćeni tekst ("Službene novine Kantona Sarajevo", br. 20/09 i 46/18), člana 5. Odluke o osnivanju Zdravstvenog savjeta na području općine Ilijaš ("Službene novine Kantona Sarajevo", br. 17/19) i Odluka o izboru i imenovanju članova zdravstvenog savjeta Općine Ilijaš: broj:01/2-37-1150.4/19 od 23.07.2019.godine, broj:01/2-37-1583.5/19 od 30.08.2019.godine i broj:01/2-37-1913.5/19 od 08.10.2019.godine, Općinski načelnik, donosi

RJEŠNJE

O IMENOVANJU ZDRAVSTVENOG SAVJETA OPĆINE ILIJAŠ

I

Imenuje se predsjednik i članovi Zdravstvenog savjeta Općine Ilijaš (u daljem tekstu: Zdravstveni savjet) u sljedećem sastavu:

1. dr. Anel Bumbulović, predstavnik zdravstvene ustanove OJ Dom zdravlja Ilijaš-predsjednik,
2. dr. Elvira Salkić, predstavnica zdravstvene ustanove OJ Dom zdravlja Ilijaš-član,
3. Midhat Pijadžer, predstavnik KJP Veterinarska stanica Sarajevo - Veterinarska ambulanta Ilijaš-član,
4. Melisa Kišić, predstavnica mladih iz reda registriranog Udruženja mladih sa područja općine Ilijaš-član,
5. Sanja Zagorac-Jozić, predstavnica Općinskog organa uprave iz reda zaposlenika koji se bave zdravstvenom zaštitom-član,
6. Mirsad Kustura, predstavnik pacijenata-član,
7. Adem Mušija, predstavnik Crvenog križa Ilijaš-član,
8. Fahrudin Demirović, predstavnik Ratnih vojnih invalida iz reda registriranih Udruženja RVI sa područja općine Ilijaš-član,
9. Fahrudin Dervišević, predstavnik Udruženja penzionera sa područja Općine Ilijaš-član.

II

Svu tehničku i administrativnu podršku u radu Zdravstvenog savjeta na području Općine Ilijaš obavljat će Služba za društvene djelatnosti i poslove mjesnih zajednica u čijoj nadležnosti je zdravstvena zaštita.

III

Zdravstveni savjet je savjetodavno tijelo Općine Ilijaš koje prati provođenje ostvarivanja i unaprijeđenja prava pacijenata, a u okviru prava i obaveza za područje općine Ilijaš.

IV

Nadležnosti Zdravstvenog savjeta utvrđene su u članu 67. Zakona o pravima, obavezama i odgovornosti pacijenata, kao i članu 2. Odluke o osnivanju Zdravstvenog savjeta na području općine Ilijaš.

Zdravstveni savjet je obavezan donijeti Poslovnik o radu, kojim će se bliže urediti organizacija i način njegovog rada.

Zdravstveni savjet podnosi Općinskom vijeću Ilijaš godišnji izvještaj o svom radu.

Također, Zdravstveni savjet izvještava općinskog načelnika o uočenim problemima, nedostacima i

primjedbama u provođenju ostvarivanja i unaprijeđenja prava pacijenata, a u okviru prava i obaveza za područje općine Ilijaš.

V

Mandat imenovanog Zdravstvenog savjeta traje četiri godine.

VI

Članovima Zdravstvenog savjeta pripada naknada za rad koja će se isplatiti na osnovu evidencije o učešću u radu koju Stručnoj službi Općinskog vijeća i Općinskog načelnika dostavi Služba za društvene djelatnosti i poslove mjesnih zajednica, a u skladu sa članom 5. Odluke o visini naknada vijećnicima, članovima stalnih i povremenih radnih tijela Općinskog vijeća Ilijaš ("Službene novine Kantona Sarajevo", broj: 41/07, 7/10, 44/13 i 23/17).

VII

Ovo rješenje stupa na snagu danom donošenja.

O b r a z l o ž e n j e

Članom 66. Zakona o pravima, obavezama i odgovornostima pacijenata ("Službene novine Federacije BiH", broj 40/10) propisano je da se na nivou lokalne samouprave, na osnovu javnog poziva, osniva zdravstveni savjet koji broji najmanje osam članova iz reda zdravstvenih i nezdravstvenih struka, da ga imenuje općinski načelnik i to, u pravilu, predstavnika iz redova pacijenata, mladih, jedinice lokalne samouprave, komora iz oblasti zdravstva, stručnih udruženja, udruženja za zaštitu prava pacijenata, sindikata zdravstvenih ustanova odnosno privatnih praksi, crvenog krsta/križa s područja jedinice lokalne samouprave.

Članom 14. Zakona o zdravstvenoj zaštiti («Službene novine Federacije BiH», broj:46/10) koji propisuje da: "Društvena briga za zdravlje na nivou općine obuhvata ocjenjivanje rada zdravstvenih ustanova i kvaliteta zdravstvenih usluga, kao i osiguranje finansijskih sredstava za unaprijeđenje njihovog rada i kvaliteta zdravstvenih usluga u skladu sa potrebama stanovništva i mogućnostima jedinice lokalne samouprave u skladu sa posebnim zakonom o principima lokalne samouprave u Federaciji.

Društvena briga iz stava 1. ovog člana ostvaruje se osnivanjem zdravstvenog savjeta na nivou općine koji planira i evaluira provođenje zdravstvene zaštite na području jedinice lokalne samouprave, daje mišljenje na planove i programe zdravstvene zaštite za područje lokalne samouprave, predlaže mjere za poboljšanje dostupnosti i kvaliteta zdravstvene zaštite, prati povrede prava pacijenata i poduzima mjere za unaprijeđenje tih prava na svom području, te obavlja i druge poslove i zadatke u skladu sa propisima o pravima, obavezama i odgovornostima pacijenata.

Broj članova zdravstvenog savjeta određuje se statutom općine.

U radu savjeta iz stava 2. ovog člana učestvuju, po pravilu, predstavnici jedinice lokalne samouprave, pacijenata, mladih, komora iz oblasti zdravstva, stručnih udruženja, udruženja za zaštitu prava pacijenata, sindikata zdravstvenih ustanova odnosno privatnih praksi, crvenog križa sa područja jedinice lokalne samouprave."

Članom 107. Statuta općine Ilijaš definisani su upravni akti koje donosi Općinski načelnik u prvom stepenu.

Općinsko vijeće Ilijaš je donijelo Odluku o osnivanju Zdravstvenog savjeta na području općine Ilijaš ("Službene novine Kantona Sarajevo", br. 17/19) kojom se uređuju poslovi i zadaci Zdravstvenog savjeta, broj članova, sastav, način imenovanja, mandat, naknada za rad.

Općinski načelnik je 29.05.2019.godine objavio Javni poziv za izbor i imenovanje članova Zdravstvenog savjeta općine Ilijaš i isti je objavljen na oglasnoj tabli Općine Ilijaš i web stranici www.ilijas.ba. Rješenjem Općinskog načelnika broj:01/2-37-1150.1/19 od 30.05.2019.godine, imenovana je Komisija za izbor i imenovanje članova Zdravstvenog savjeta općine Ilijaš, sa zadatkom da otvori, pregleda i ocijeni prijave koje su pristigle u propisanom roku, navedenom u javnom pozivu, te putem pisane preporuke predloži listu kandidata koji ispunjavaju uslove za imenovanje u Zdravstveni savjet Općine Ilijaš. Komisija je dana 09.07.2019. godine otvorila pristigle prijave i konstatovala da je pristiglo ukupno 7 prijava, da su sve bile blagovremene, a da su dvije prijave bile nepotpune. Obzirom da je uslove Javnog poziva ispunilo pet kandidata, Komisija

je predložila Općinskom načelniku da donese Odluku o djelimičnom poništenju javnog poziva za izbor i imenovanje članova Zdravstvenog savjeta Općine Ilijaš u dijelu koji se odnosi na imenovanje članova ispred reda predstavnika pacijenata, Zavoda za zaštitu žena i materinstva – lokalitet Ilijaš, apotekarske djelatnosti iz reda registriranih apoteka sa područja općine Ilijaš, Crvenog križa sa područja općine Ilijaš, zdravstvenih radnika iz reda privatnih praksi sa područja općine Ilijaš, penzionera iz reda Udruženja penzionera sa područja Općine Ilijaš i ratnih vojnih invalida iz reda registriranih Udruženja RVI sa područja općine Ilijaš, te da ponovo pokrene postupak objave Javnog poziva za gore navedene pozicije, a u cilju poštivanja odredbe člana 4. Odluke o osnivanju Zdravstvenog savjeta na području općine Ilijaš, kako bi se u Zdravstveni savjet imenovalo minimalno 9. članova. Općinski načelnik je dana 18.07.2019.godine donio Odluku o djelimičnom poništenju javnog poziva za izbor i imenovanje članova Zdravstvenog savjeta općine Ilijaš broj:01/2-37-1150.3/19, koja je objavljena na oglasnoj tabli Općine Ilijaš i web stranici www.ilijas.ba. Također 23.07.2019.godine, Općinski načelnik je na osnovu pisane preporuke Komisije donio Odluku o izboru i imenovanju Zdravstvenog savjeta Općine Ilijaš broj:01/2-37-1150.4/19. U Zdravstveni savjet je izabrano pet članova koji su ispunili opće i posebne uslove javnog poziva.

Općinski načelnik je 23.07.2019.godine objavio Ponovni Javni poziv za izbor i imenovanje članova Zdravstvenog savjeta općine Ilijaš i isti je objavljen na oglasnoj tabli Općine Ilijaš i web stranici www.ilijas.ba. Rješenjem Općinskog načelnika broj:01/2-37-1583.1/19 od 24.07.2019.godine, imenovana je Komisija za izbor i imenovanje članova Zdravstvenog savjeta općine Ilijaš, sa zadatkom da otvori, pregleda i ocijeni prijave koje su pristigle u propisanom roku, navedenom u Ponovnom Javnom pozivu, te putem pisane preporuke predloži listu kandidata koji ispunjavaju uslove za imenovanje u Zdravstveni savjet Općine Ilijaš. Komisija je dana 21.08.2019. godine otvorila pristigle prijave i konstatovala da su na Ponovni javni poziv pristigle ukupno 2 prijave, da su prijave bile blagovremene i da su oba kandidata ispunila uslove Ponovnog Javnog poziva.

Kako je članom 4. Odluke o osnivanju Zdravstvenog savjeta na području Općine Ilijaš (“Službene novine Kantona Sarajevo”, broj: 17/19) planirano najmanje 9, a najviše 11 članova, te da je uslove Javnog poziva ispunilo pet kandidata, a uslove ponovnog Javnog poziva dva kandidata, Komisija je predložila Općinskom načelniku da donese Odluku o djelimičnom poništenju Ponovnog Javnog poziva za izbor i imenovanje članova Zdravstvenog savjeta Općine Ilijaš u dijelu koji se odnosi na imenovanje članova ispred reda: Zavoda za zaštitu žena i materinstva – lokalitet Ilijaš, apotekarske djelatnosti iz reda registriranih apoteka sa područja općine Ilijaš, zdravstvenih radnika iz reda privatnih praksi sa područja općine Ilijaš, penzionera iz reda Udruženja penzionera sa područja Općine Ilijaš i ratnih vojnih invalida iz reda registriranih Udruženja RVI sa područja općine Ilijaš, te da ponovo pokrene postupak objave Javnog poziva za gore navedene pozicije, kako bi Zdravstveni savjet imao minimalno 9. članova.

Općinski načelnik je dana 30.08.2019.godine donio Odluku o djelimičnom poništenju Ponovnog Javnog poziva za izbor i imenovanje članova Zdravstvenog savjeta općine Ilijaš broj:01/2-37-1583.4/19, koja je objavljena na oglasnoj tabli Općine Ilijaš i web stranici www.ilijas.ba. Također 30.08.2019.godine, Općinski načelnik je na osnovu pisane preporuke Komisije donio Odluku o izboru i imenovanju članova Zdravstvenog savjeta Općine Ilijaš: broj:01/2-37-1583.5/19. U Zdravstveni savjet su izabrana dva člana koja su ispunila opće i posebne uslove Ponovnog Javnog poziva.

U skladu sa odredbama člana 3. Odluke o djelimičnom poništenju Ponovnog Javnog poziva za izbor i imenovanje članova Zdravstvenog savjeta općine Ilijaš, Općinski načelnik je 10.09.2019.godine objavio Drugi Ponovljeni Javni poziv za izbor i imenovanje članova Zdravstvenog savjeta općine Ilijaš i isti je objavljen na oglasnoj tabli Općine Ilijaš i web stranici www.ilijas.ba. Rješenjem Općinskog načelnika broj:01/2-37-1913.1/19 od 11.09.2019.godine, imenovana je Komisija za izbor i imenovanje članova Zdravstvenog savjeta općine Ilijaš, sa zadatkom da otvori, pregleda i ocijeni prijave koje su pristigle u propisanom roku, navedenom u Drugom ponovljenom Javnom pozivu, te putem pisane preporuke predloži listu kandidata koji ispunjavaju uslove za imenovanje u Zdravstveni savjet Općine Ilijaš. Komisija je dana 02.10.2019. godine otvorila pristigle prijave i konstatovala da su na Drugi ponovljeni Javni poziv pristigle ukupno 2 prijave, da su prijave bile blagovremene i da su oba kandidata ispunila uslove Drugog ponovljenog Javnog poziva. U skladu sa navedenim Općinski načelnik je 08.09.2019.godine na osnovu pisane preporuke Komisije donio Odluku o izboru i imenovanju članova Zdravstvenog savjeta Općine Ilijaš: broj:01/2-37-1583.5/19,

kojom su u Zdravstveni savjet izabrana još dva člana.

Kako je članom 4. Odluke o osnivanju Zdravstvenog savjeta na području Općine Ilijaš ("Službene novine Kantona Sarajevo", broj: 17/19) planirano da Zdravstveni savjet broji najmanje 9, a najviše 11 članova, te da je uslove tri objavljena Javna poziva ispunilo devet kandidata, Komisija je Općinskom načelniku 02.10.2019.godine predložila konačnu listu za izbor i imenovanje članova Zdravstvenog savjeta Općine Ilijaš broj:01/2-37-1913.4/19.

Shodno naprijed navedenom Općinski načelnik je imenovao predsjednika i članove Zdravstvenog savjeta Općine Ilijaš iz reda stručnih lica sa dokazanim moralnim i etičkim kvalitetima u oblasti medicinskih, obrazovnih i tehničkih nauka. Prilikom imenovanja Zdravstvenog savjeta poštovan je princip održavanja ravnopravne zastupljenosti oba spola. U skladu sa naprijed navedenim, odlučeno je kao i dispozitivu rješenja.

Pouka o pravnom lijeku: Protiv ovog Rješenja imenovani mogu uložiti prigovor Drugostepenoj stručnoj Komisiji Općinskog vijeća Ilijaš u roku od 8 dana od dana prijema Rješenja.

Dostaviti:

1. Imenovanim x 9
2. Stručna Služba Općinskog vijeća i Općinskog načelnika
3. Služba za privredu i finansije
4. Oglasna ploča
5. a/a



OPĆINSKI NAČELNIK

AKIF FAZLIĆ, dipl.ecc.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:160200000710645
e-mail info@ilijas.ba



Broj certifikata:CRO20063Q